

তায়্যীরুন্ন কুরআন

২৬-২৮ পারা

মুহাম্মাদ আসাদুল্লাহ আল-গালিব

সূচীপত্র

(المحتويات)

ক্রমিক সংখ্যা	বিষয়	পৃষ্ঠা সংখ্যা
	ভূমিকা	০৫
০১ (৪৬)	সূরা আহক্বাফ (মাক্কী)	০৯
০২ (৪৭)	সূরা মুহাম্মাদ (মাদানী)	৩৫
০৩ (৪৮)	সূরা ফাৎহ (মাদানী)	৭১
০৪ (৪৯)	সূরা হুজুরাত (মাদানী)	৯৬
০৫ (৫০)	সূরা ক্বা-ফ (মাক্কী)	১৩৫
০৬ (৫১)	সূরা যারিয়াত (মাক্কী)	১৭১
০৭ (৫২)	সূরা তূর (মাক্কী)	১৯৮
০৮ (৫৩)	সূরা নাজম (মাক্কী)	২১৬
০৯ (৫৪)	সূরা ক্বামার (মাক্কী)	২৫২
১০ (৫৫)	সূরা রহমান (মাক্কী)	২৮১
১১ (৫৬)	সূরা ওয়াক্বি'আহ (মাক্কী)	৩২০
১২ (৫৭)	সূরা হাদীদ (মাদানী)	৩৪৭
১৩ (৫৮)	সূরা মুজাদালাহ (মাদানী)	৩৭৮
১৪ (৫৯)	সূরা হাশর (মাদানী)	৩৯৯
১৫ (৬০)	সূরা মুমতাহিনা (মাদানী)	৪২৫
১৬ (৬১)	সূরা ছফ (মাদানী)	৪৩৯
১৭ (৬২)	সূরা জুম'আহ (মাদানী)	৪৬২
১৮ (৬৩)	সূরা মুনাফিকূন (মাদানী)	৪৭৭
১৯ (৬৪)	সূরা তাগাবুন (মাদানী)	৪৮৪
২০ (৬৫)	সূরা তালাক (মাদানী)	৫০০
২১ (৬৬)	সূরা তাহরীম (মাদানী)	৫১৩

بِسْمِ اللَّهِ الرَّحْمَنِ الرَّحِيمِ

الحمد لله وحده والصلاة والسلام على من لا نبي بعده وعلى آله وصحبه ومن تبعهم
ياحسان إلي يوم الدين وبعد :

ভূমিকা (كلمة المؤلف)

২০১৩ সালে তাফসীরুল কুরআন ৩০তম পারার তাফসীর প্রকাশের পর থেকে দীর্ঘ বিরতির পর ২৬ থেকে ২৮ পর্যন্ত তিন পারার তাফসীর বের হবার এ শুভ মুহূর্তে সর্বাঞ্চে আল্লাহর শুকরিয়া আদায় করছি, যিনি আমাদের মাধ্যমে তাফসীরের এ দুর্লভ কাজটি করিয়ে নিলেন। ফালিল্লাহিল হাম্দ ওয়াল মিন্নাহ।

পুরা তরজমা ও সংক্ষিপ্ত তাফসীর শেষ হয়েছে প্রায় অর্ধ যুগ পূর্বে। কিন্তু সেগুলিকে কিছুটা বিস্তৃত ও পরিমার্জিত করে প্রেসে দিতেই সময় লাগছে বেশী। সময় ও সুযোগ অনুকূলে থাকলে বাকী পাঠাগুলির তাফসীরও সাধ্যপক্ষে দ্রুত সময়ে বের হবে ইনশাআল্লাহ।

তাফসীরে গৃহীত নীতিমালা ৩০তম পারার ভূমিকায় যা বলা হয়েছিল, সেগুলিই আছে।
যা নিম্নরূপ :

তাফসীরে গৃহীত নীতিমালা : (১) প্রথমে সমার্থবোধক কুরআনের অন্যান্য আয়াতসমূহ দ্বারা ব্যাখ্যা করা হয়েছে। অতঃপর (২) ছহীহ হাদীছ দ্বারা। অতঃপর প্রয়োজনে (৩) আছারে ছাহাবা ও তাবেঈনের ব্যাখ্যা দ্বারা, যা বিশুদ্ধভাবে প্রমাণিত। (৪) তাওহীদে আসমা ওয়া ছিফাত অর্থাৎ আল্লাহর নাম ও গুণাবলী বিষয়ে ছাহাবায়ে কেরাম ও সালাফে ছালেহীনের বুঝ ও তাঁদের গৃহীত নীতিমালার অনুপুঞ্জ অনুসরণের সাধ্যমত চেষ্টা করা হয়েছে। যে বিষয়ে প্রাচীন ও আধুনিক বহু মুফাসসিরের পদস্বলন ঘটেছে। (৫) মর্মগত ইখতেলাফের ক্ষেত্রে তাফসীরের সর্বস্বীকৃত মূলনীতি অনুসরণ করা হয়েছে এবং সর্বাগ্রগণ্য বিষয়টি গ্রহণ করা হয়েছে। (৬) তরজমার ক্ষেত্রে কুরআনের উদ্দিষ্ট মর্ম অক্ষুণ্ন রেখে তা সাধ্যমত স্পষ্ট করা হয়েছে। (৭) ক্ষেত্র বিশেষে আয়াত থেকে শিক্ষণীয় বিষয়সমূহ তুলে ধরা হয়েছে। (৮) আয়াতের সামাজিক ও বৈজ্ঞানিক দিকগুলি ব্যাখ্যা করা হয়েছে। (৯) তাফসীরের সর্বত্র চরমপন্থী ও শৈথিল্যবাদী আক্বীদা সমূহের বিপরীতে আহলে সুন্নাত ওয়াল জামা'আত আহলেহাদীছের মধ্যপন্থী আক্বীদা অক্ষুণ্ন রাখা হয়েছে। (১০) বিদ্বানগণের অনিচ্ছাকৃত ভুল এবং প্রবৃত্তিপরায়ণদের স্বেচ্ছাকৃত ব্যাখ্যাসমূহ থেকে প্রয়োজনীয় স্থানসমূহে পাঠককে সতর্ক করা হয়েছে।

নিঃস্বার্থ এ লেখনীকে আল্লাহ নাচীয লেখকের ও তার পরিবারের এবং তার মরহুম পিতা-মাতার জান্নাতের অসীলা হিসাবে কবুল করুন! অনিচ্ছাকৃত ভুল সমূহের জন্য সর্বদা ক্ষমাপ্রার্থী। পরবর্তী সংস্করণে সংশোধিত হবে ইনশাআল্লাহ। এজন্য বিদগ্ধ পাঠক মঞ্জুলীর সুপরামর্শ সর্বদা আশা করি।

পরিশেষে অত্র তাফসীর গ্রন্থ প্রকাশে ‘হাদীছ ফাউণ্ডেশন বাংলাদেশ’-এর গবেষণা বিভাগের সংশ্লিষ্ট ও সহযোগী সকলকে আন্তরিক মুবারকবাদ জানাচ্ছি। আল্লাহ তাদেরকে ইহকালে ও পরকালে উত্তম জাযা দান করুন- আমীন!

নওদাপাড়া, রাজশাহী
১৭ই ফেব্রুয়ারী ২০১৯ খৃ. রবিবার।

বিনীত-
লেখক।

وَنَزَّلْنَا عَلَيْكَ الْكِتَابَ
تِبْيَانًا لِّكُلِّ شَيْءٍ
وَهُدًى وَرَحْمَةً وَبُشْرَى
لِّلْمُسْلِمِينَ ﴿٨٩﴾

‘আর আমরা তোমার প্রতি কুরআন নাযিল করেছি
সকল কিছুর বিশদ ব্যাখ্যা,
পথনির্দেশ, অনুগ্রহ এবং মুসলমানদের জন্য
সুসংবাদ হিসাবে’ (নাহল ১৬/৮৯)।

সূরা আহক্বাফ

[হায়রামাউতের একটি উপত্যকা, যা ছিল 'আদ জাতির ধ্বংসস্থল। বর্তমানে এটি ইয়ামনের পূর্বাঞ্চলে অবস্থিত ৩০টি যেলা নিয়ে একটি প্রদেশের নাম]

॥ মক্কায় অবতীর্ণ। সূরা জাছিয়াহ ৪৫/মাক্কী-এর পরে। তবে ১০, ১৫ ও ৩৫ আয়াতগুলি মদীনায় অবতীর্ণ (কাশশাফ)। কুরতুবী বলেন, সকলের নিকট সূরাটি মাক্কী ॥

সূরা ৪৬, পারা ২৬ (শুর), রুকু ৪, আয়াত ৩৫, শব্দ ৬৪৬, বর্ণ ২৬০২

بِسْمِ اللَّهِ الرَّحْمَنِ الرَّحِيمِ

পরম করুণাময় অসীম দয়ালু আল্লাহর নামে (শুর করছি)।

(১) হা-মীম। (এর অর্থ আল্লাহ সর্বাধিক অবগত)।

حَمِّ

(২) এই কিতাব মহাপরাক্রান্ত ও প্রজ্ঞাময় আল্লাহর পক্ষ হ'তে পর্যায়ক্রমে অবতীর্ণ।

تَنْزِيلِ الْكِتَابِ مِنَ اللَّهِ الْعَزِيزِ الْحَكِيمِ

(৩) নভোমণ্ডল ও ভূমণ্ডল এবং এ দু'য়ের মধ্যবর্তী সবকিছু আমরা সৃষ্টি করেছি সত্য সহকারে এবং নির্দিষ্ট মেয়াদের জন্য। বস্তুতঃ যা থেকে তাদের সতর্ক করা হয়, তা থেকে অবিশ্বাসীরা মুখ ফিরিয়ে নেয় (অর্থাৎ ক্বিয়ামত থেকে)।

مَا خَلَقْنَا السَّمَوَاتِ وَالْأَرْضَ وَمَا بَيْنَهُمَا إِلَّا بِالْحَقِّ وَأَجَلٍ مُّسَمًّى ۗ وَالَّذِينَ كَفَرُوا عَمَّا أَنْذَرُوا مُعْرِضُونَ

(৪) বল, তোমরা আল্লাহর পরিবর্তে যাদের আহ্বান কর, তাদের বিষয়ে ভেবে দেখেছ কি? আমাকে দেখাও তারা পৃথিবীতে কোন বস্তু সৃষ্টি করেছে? অথবা আকাশ সমূহ সৃষ্টিতে তাদের কি কোন অংশ আছে? এ ব্যাপারে বিগত কোন কিতাব থাকলে অথবা জ্ঞানের অবশিষ্টাংশ কিছু থাকলে সেটি আমার কাছে নিয়ে এস, যদি তোমরা সত্যবাদী হও।

قُلْ أَرَأَيْتُمْ مَا تَدْعُونَ مِنْ دُونِ اللَّهِ؟ أَرُونِي مَاذَا خَلَقُوا مِنَ الْأَرْضِ أَمْ لَهُمْ شِرْكٌ فِي السَّمَوَاتِ؟ إِيْتُونِي بِكِتَابٍ مِّنْ قَبْلِ هَذَا أَوْ أَثَرَةٍ مِّنْ عِلْمٍ إِنْ كُنْتُمْ صَادِقِينَ

(৫) তার চেয়ে বড় পথভ্রষ্ট আর কে আছে, যে আল্লাহকে ছেড়ে এমন বস্তুকে ডাকে, যে ক্বিয়ামত পর্যন্ত তার ডাকে সাড়া দিবে না? আর তারাও তাদের আহ্বান সম্পর্কে কিছুই জানবে না।

وَمَنْ أَضَلُّ مِمَّنْ يَدْعُوا مِنْ دُونِ اللَّهِ، مَنْ لَا يَسْتَجِيبُ لَهُ إِلَى يَوْمِ الْقِيَامَةِ؟ وَهُمْ عَنْ دُعَائِهِمْ غَفْلُونَ

(৬) যেদিন মানুষকে সমবেত করা হবে, সেদিন
এইসব উপাস্যরা তাদের শত্রু হবে এবং
তারা তাদের পূজার বিষয়টি অস্বীকার করবে।
وَإِذَا حُشِرَ النَّاسُ كَانُوا لَهُمْ أَعْدَاءً وَكَانُوا
بِعِبَادَتِهِمْ كُفْرِينَ ۝

তাফসীর :

(২) ‘এই কিতাব মহাপরাক্রান্ত ও প্রজ্ঞাময় আল্লাহর
পক্ষ হ’তে পর্যায়ক্রমে অবতীর্ণ।’ অর্থ ‘তَنْزِيلًا’
পক্ষ হ’তে পর্যায়ক্রমে অহি নাযিল করেছেন।’
‘অর্থাৎ অহি নাযিল হওয়া’ এবং ‘অর্থাৎ
‘পর্ষায়ক্রমে অহি নাযিল হওয়া’ (মিছবাহুল লুগাত)।
কারণ কুরআনের আয়াতসমূহ
নাযিল হয় ঘটনা ও কারণের প্রেক্ষিতে।
ইবনু আব্বাস (রাঃ) বলেন, আল্লাহ কুরআন
নাযিল করেছেন বিচ্ছিন্নভাবে একটি একটি আয়াত
নাযিল করে এবং একত্রে নাযিল
করেননি। সেজন্যে ‘بَلَاغًا لِّقَوْمٍ يَعْلَمُونَ’ বলা হয়েছে
(কুরতুবী, তাফসীর সূরা দাহর ২৩ আয়াত)।

ক্বদরের রাত্রিতে কুরআন নাযিলের সূচনা হয় এবং
তেইশ বছরে পর্যায়ক্রমে তার সমাপ্তি
ঘটে (কুরতুবী, তাফসীর সূরা ক্বদর ১ম আয়াত)।
শুরুতেই ‘تَنْزِيلًا’ বলার মাধ্যমে জানিয়ে
দেওয়া হয়েছে যে, কুরআন বিগত কিতাব
সমূহের ন্যায় একসাথে একবারে নাযিল
হয়নি। বরং বারে বারে বান্দার প্রয়োজন
মতে পর্যায়ক্রমে নাযিল হয়েছে। কেননা এটি
হ’ল সমগ্র মানবজাতির জন্য সর্বশেষ ও
পূর্ণাঙ্গ জীবনগ্রন্থ এবং বিগত কিতাবগুলি
ছিল এক একটি সম্প্রদায়ের জন্য।

বিভিন্ন প্রশ্ন ও ঘটনার প্রেক্ষিতেই কুরআনের
অধিকাংশ আয়াত নাযিল হয়েছে। যাতে
রাসূল (ছাঃ)-এর অন্তরে প্রশান্তি আসে। যেমন
অবিশ্বাসীদের উত্তরে আল্লাহ বলেন, وَقَالَ
الَّذِينَ كَفَرُوا لَوْلَا نُزِّلَ عَلَيْهِ الْقُرْآنُ جُمْلَةً
وَاحِدَةً كَذَلِكَ لِنُثَبِّتَ بِهِ فُؤَادَكَ وَرَتَّلْنَاهُ
تَرْتِيلًا- ‘অবিশ্বাসীরা বলে, কেন তার প্রতি
কুরআন একসাথে নাযিল হ’লনা? (হ্যাঁ) এভাবেই
হয়েছে এবং তোমার উপর আমরা ধীরে
ধীরে নাযিল করেছি, যাতে তোমার হৃদয়কে
আমরা ওর দ্বারা আরও ময়বুত করতে
পারি’। ‘তারা তোমার নিকট এমন কোন
সমস্যা উপস্থাপন করেনি, যার সঠিক সমাধান
ও সুন্দরতম ব্যাখ্যা আমরা তোমাকে দান
করিনি’ (ফুরক্বান ২৫/৩২-৩৩)। আর এটাই
স্বাভাবিক যে, প্রশ্ন এলেই তার উত্তর পেলে
সেটি সকলের জন্য স্বস্তিদায়ক হয়।

এর মাধ্যমে এটিও জানিয়ে দেওয়া হয়েছে
যে, কুরআন শ্রেফ আল্লাহর পক্ষ হ’তে
অবতীর্ণ হয়েছে। এতে অন্য কেউ শরীক নয়।
আল্লাহ বলেন, أَفَلَا يَتَذَكَّرُونَ الْقُرْآنَ
وَكُو،

‘তবে কি তারা কুরআন অনুধাবন করে না? যদি এটা আল্লাহ ব্যতীত অন্য কারও নিকট থেকে আসত, তাহলে তারা এর মধ্যে বহু গরমিল দেখতে পেত’ (নিসা ৪/৮২)।

আয়াতের শেষে **مِنَ اللَّهِ الْعَزِيزِ الْحَكِيمِ** ‘মহা পরাক্রান্ত ও প্রজ্ঞাময় আল্লাহর পক্ষ হ’তে’ বলার মাধ্যমে বুঝিয়ে দেওয়া হয়েছে যে, কথা ও কর্মে আল্লাহর পরাক্রম ও তাঁর প্রজ্ঞার তুলনীয় কেউ নেই (ইবনু কাছীর)। ‘আযীয’ ও ‘হাকীম’ নাম দু’টি আল্লাহর গুণবাচক নাম সমূহের অন্তর্ভুক্ত। যা বান্দার গুণাবলীর সাথে তুলনীয় নয়। যার কোন শরীক নেই। যা আল্লাহর সত্তার সাথে অবিচ্ছিন্ন ও সনাতন। বান্দা যখনই আল্লাহকে ‘আযীয’ বা ‘মহা পরাক্রান্ত’ বলবে, তখনই তার নিজের পরাক্রমের অহংকার ধূলিসাৎ হয়ে যাবে। যখনই সে আল্লাহকে ‘হাকীম’ বা প্রজ্ঞাময় বলবে, তখনই তার নিজস্ব প্রজ্ঞা বুদ্ধদের ন্যায় উবে যাবে। ফলে আল্লাহর বিধানের চাইতে সে নিজেদের মনগড়া বিধানকে উত্তম বা সমান বা সিদ্ধ ভাবে না। একেই বলে ‘তাওহীদুল আসমা ওয়াছ ছিফাত’ (আল্লাহর নাম ও গুণাবলীর একত্ব)। অতএব কুরআনের বাণী সরাসরি আল্লাহর এবং তাঁরই ন্যায় ক্বাদীম বা সনাতন। এটি মাখলুক বা সৃষ্ট নয়। যেমনটি মু‘তাজেলী যুক্তিবাদীগণ বলে থাকেন। একই মর্মে অন্যত্র আল্লাহ বলেন, **إِنَّ الَّذِينَ كَفَرُوا بِالذِّكْرِ لَمَّا جَاءَهُمْ وَإِنَّهُ لَكِتَابٌ عَزِيزٌ - لَا يَأْتِيهِ الْبَاطِلُ مِنْ بَيْنِ يَدَيْهِ وَلَا مِنْ خَلْفِهِ تَنْزِيلٌ مِنْ حَكِيمٍ حَمِيدٍ -** ‘নিশ্চয়ই যারা তাদের নিকট কুরআন আসার পর তা প্রত্যাখ্যান করে (তারা ধ্বংস হবে)। নিঃসন্দেহে এটি মহা পরাক্রান্ত এক কিতাব’। ‘সামনে বা পিছনে কোন দিক থেকেই এতে কোন মিথ্যা প্রবেশ করে না। এটি মহা প্রজ্ঞাময় ও মহা প্রশংসিত (আল্লাহর) পক্ষ হ’তে অবতীর্ণ’ (হামীম সাজদাহ/ফুছছিলাত ৪১/৪১-৪২)।

(৩) **مَا خَلَقْنَا السَّمَاوَاتِ وَالْأَرْضَ** ‘নভোমণ্ডল ও ভূমণ্ডল এবং এ দু’য়ের মধ্যবর্তী সবকিছু আমরা সৃষ্টি করেছি সত্য সহকারে এবং নির্দিষ্ট মেয়াদের জন্য’। অত্র আয়াতে নভোমণ্ডল ও ভূমণ্ডল যে আল্লাহ সৃষ্টি করেছেন, সে কথা দ্ব্যর্থহীনভাবে বলে দেওয়া হয়েছে। সেই সাথে এগুলি যে নির্ধারিত মেয়াদ অস্তে ধ্বংস হয়ে যাবে, সেটাও জানিয়ে দেওয়া হয়েছে। **بِالْحِكْمَةِ الْبَالِغَةِ وَالْإِقَامَةِ الْعَدْلِ فِي الْخَلْقِ** অর্থ **بِالْحَقِّ** ‘পূর্ণ প্রজ্ঞা সহকারে এবং সৃষ্টিজগতে ভারসাম্য প্রতিষ্ঠা করার জন্য’ (ক্বাসেমী)। কেননা তিনি কোন কিছুই খেলাচ্ছলে সৃষ্টি করেন না। যেমন আল্লাহ বলেন, **وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا -** ‘আকাশ ও পৃথিবী এবং এতদুভয়ের মধ্যবর্তী যা কিছু আছে, আমরা তা খেলাচ্ছলে সৃষ্টি করিনি’ (আম্বিয়া ২১/১৬)।

ইলম সমূহের কিছু অংশ অবশিষ্ট থাকলে, সেটা তাদের আনতে বলা হয়েছে। যদিও আল্লাহ জানেন যে, এসবের কিছুই তাদের কাছে নেই, যা তাদের শিরকের দাবীর পক্ষে পেশ করা যায়। এর মধ্যে ইঙ্গিত রয়েছে যে, প্রকৃত ইলম হ'ল আল্লাহর অহি-র ইলম। মানুষের মস্তিষ্ক প্রসূত জ্ঞান অভ্রান্ত বা চূড়ান্ত সত্য নয়।

‘অথবা بَقِيَّةٌ مِنْ عِلْمٍ بَقِيَتْ عَلَيْكُمْ مِنْ عُلُومِ الْإِلَهِيَّةِ مِنَ الْأَوَّلِينَ أَوْ آثَارَةٌ مِنْ عِلْمٍ পূর্বকালের ইলাহী ইলম সমূহের কিছু অংশ তোমাদের কাছে বাকী থাকলে’ (কাশশাফ)।
‘চিহ্ন রেখা’ (কুরতুবী)।

‘সৃষ্টিজগতে অন্য কেউ إِنَّ كُنْتُمْ صَادِقِينَ فِي دَعْوَاكُمْ بِالشَّرْكِ إِنْ كُنْتُمْ صَادِقِينَ শরীক থাকার ব্যাপারে তোমাদের দাবীতে যদি তোমরা সত্যবাদী হও’ (ক্বাসেমী)।

(৫) ‘وَمَنْ أَضَلُّ مِمَّنْ يَدْعُو مِنْ دُونِ اللَّهِ (৫) আল্লাহকে ছেড়ে এমন বস্তুকে ডাকে, যে কিয়ামত পর্যন্ত তার ডাকে সাড়া দিবে না?’ ছবি-মূর্তি বা কবরবাসী কেউ কারু ডাকে সাড়া দিতে পারে না। অথচ বিজ্ঞ মানুষেরা অজ্ঞের মত তাদের পূজা করে থাকে। এদের ধিক্কার দিয়ে অত্র আয়াতে বর্ণিত হয়েছে।^২

(৬) ‘وَإِذَا حُشِرَ النَّاسُ كَانُوا لَهُمْ أَعْدَاءً (৬) ‘যেদিন মানুষকে সমবেত করা হবে, সেদিন এইসব উপাস্যরা তাদের শত্রু হবে’ অর্থাৎ কিয়ামতের দিন এইসব উপাস্যদের কথা বলার ক্ষমতা দেওয়া হবে। কিন্তু তখন তারা বিপরীত বলবে এবং শত্রু হবে। তারা তাদের পূজার বিষয়টি সম্পূর্ণরূপে অস্বীকার করবে। যেমন অন্যত্র আল্লাহ বলেন, وَأَتَّخِذُوا مِنْ دُونِ اللَّهِ إِلَهَةً لِيُكُونُوا لَهُمْ عِزًّا - كَلَّا سَيَكْفُرُونَ بِعِبَادَتِهِمْ وَيَكُونُونَ عَلَيْهِمْ ضِدًّا - ‘তারা আল্লাহ ব্যতীত অন্যকে উপাস্য হিসাবে গ্রহণ করেছে, যাতে তারা তাদের জন্য সাহায্যকারী হয়’। ‘কখনই নয়। (সেদিন) তারা তাদের পূজাকে অস্বীকার করবে এবং তারা তাদের প্রতিপক্ষ হবে’ (মারিয়াম ১৯/৮১-৮২)। শুধু তাই নয়, তারা সেদিন একে অপরকে অভিশাপ দিবে। যেমন বলা হয়েছে, وَقَالَ إِنَّمَا اتَّخَذْتُمْ مِنْ دُونِ اللَّهِ أَوْثَانًا مَوَدَّةَ بَيْنِكُمْ فِي الْحَيَاةِ الدُّنْيَا ثُمَّ يَوْمَ الْقِيَامَةِ يَكْفُرُ بَعْضُكُم بِبَعْضٍ وَيَلْعَنُ بَعْضُكُم بَعْضًا... বলল, (হে আমার কওম!) তোমরা আল্লাহকে ছেড়ে মূর্তিগুলিকে উপাস্যরূপে গ্রহণ করেছে পার্থিব জীবনে পারস্পরিক বন্ধুত্ব রক্ষার খাতিরে। অতঃপর কিয়ামতের দিন তোমরা একে অপরকে অস্বীকার করবে এবং একে অপরকে অভিশাপ দিবে’... (আনকাবূত ২৯/২৫)।

২. এ বিষয়ে নিজ পিতা ও কওমের সাথে এবং তারকা পূজারীদের সাথে হযরত ইবরাহীম (আঃ)-এর বিতর্ক পাঠ করুন, সূরা আশিয়া ২১/৫২-৭১; মারিয়াম ১৯/৪১-৪৮; আনকাবূত ২৯/১৬-১৭; ছাফফাত ৩৭/৮৩-৯৮; শো‘আরা ২৬/৬৯-৮২; আন‘আম ৮/৭৫-৮২; বিস্তারিত পাঠ করুন হা.ফা.বা. প্রকাশিত ‘নবীদের কাহিনী-১’ হযরত ইবরাহীম (আঃ) অধ্যায়।